

THE SECOND EPISTLE OF PAUL THE APOSTLE TO THE THESSALONIANS

1 ¹Shíí Paul, Silvánus, ła'íí **Timótheus** biłgo, Bik'ehgo'ihí'nań nohwiTaa ła'íí Jesus Christ nohweBik'ehń biláhyú Thessaloní cagee ínashood ha'ánálséhíí bich'í' k'eda'iilchii: ²Bik'ehgo'ihí'nań nohwiTaa ła'íí Jesus Christ nohweBik'ehń biłgoch'oba'íí ła'íí bits'á'dí' ilch'í'gont'ééhíí bee nohwich'í' goz'ąą le'. ³Shik'ííyú, dávik'ehn Bik'ehgo'ihí'nań bich'í' nohwa'ihédaandzi doleełgo at'éé, áí dávik'eh, nohwi'odlą' nchaa holeeł, ła'íí dała'á notíigee dayúweh lił daanojjoqhíí bighą; ⁴Áík'ehgo ínashood Bik'ehgo'ihí'nań daayokaąhgo ha'ánálséhíí nagoz'ąą yune' nohwaa da'óndliigo nohwaa nadaagohiilni', iltah at'éégo bee nohwich'í' nada'idziidgee ła'íí nohwich'í' nadaagont'ogee bidag ádaanoht'eehíí ła'íí nohwi'odlą' nłdzilgo bee nasozíihíí bighą; ⁵Díí bee Bik'ehgo'ihí'nań dávik'ehyú nohwaa yafti'go bígózi, bíí bilakt'áhgee goz'ąą yune' ohkáhíí bik'ehgo sohtjigo nohwił ołtag, áí bá nasozíihíí bighą nohwiniidaagont'éé: ⁶Díínko Bik'ehgo'ihí'nań bił dávik'eh, hadíí nohwich'í' nada'iziidíí, da'ágát'éégo Bik'ehgo'ihí'nań bits'á'dí'go bich'í' naná'hi'níífi at'éé; ⁷Áídá' nohwił nohwich'í' nadaagont'ogíí ła'íí néé biłgo dała' hadá'hiidzoł doleeł, Jesus nohweBik'ehń binal'a'á yaaká'yú daagolíni, dák'a'ádaat'éhi biłgo yaaká'dí' yił ch'í'nah ádelzaahíí bijjii, ⁸Hadíí Bik'ehgo'ihí'nań doo yídaagołsj da lán shíhíí, hadíí Jesus Christ nohweBik'ehń nłt'éégo baa na'goni'íí doo yikísk'eh ádaat'ee da lán shíhíí, Bik'ehgo'ihí'nań kọ' dahdinahíí biyi' yiniidaagodoliil: ⁹Doo nnágont'í' dago biniidaagodilne'go bił ch'ígódeeh, nohwe Bik'ehń ła'íí binawod bits'á'dindláádíí bits'á' bida'dentáągo biniidaagodilne'; ¹⁰Nádáhíí bijjii hadíí báhadaadeszaahíí binkááyú Christ ízisgo ye'at'ééhíí ch'í'nah alne', ła'íí daabosdlaądíí dawa bił díyadaagot'ee doleeł, (baa nohwił nadaagosiilni' n'íí daayosdlaądhíí bighą). ¹¹Díínko bighą dávik'ehn nohwá da'ohiikąąh, Bik'ehgodaahíí'naahíí nohwká ánniidíí bik'eh sohtjigo nohwił ołtag doleeł, ła'íí nłt'éégo ágot'ee zhińéégo hádaaht'iiníí ła'íí nohwi'odlą' bee nada'ohsiidíí

dabíí binawodíí bee nohwá łaidoliíł: ¹²Áík'ehgo nohwiláhyú Jesus Christ nohweBik'ehń bizhi' ba'ihégosj doleeł, łá'íí nohwíí áldó' Jesus biláhyú nohwa'ihégosj doleeł, Bik'ehgodaahii'naahíí łá'íí Jesus Christ nohweBik'ehń biłgoch'oba'íí bik'ehgo.

2 ¹Nohwik'ííyú, Jesus Christ nohweBik'ehń nádáhíí łá'íí bich'í' łá'ádaahi'ne' doleełíí baa yádaahiilti'go nánohwohiikaqah, ²Spirit at'éé daach'iniihíí bee, yati' bee, dagohíí naltsoos nohwits'á'dí' daach'iniihíí bee, Christ nadáhíí bijíí ilk'idá' bee nohwaa gonyáá ba'ikodaanohsiyúgo, doo nohwił nagoki da le', doo łá'ágo natsídaahkees da le'. ³Doo hagot'éégo nnee łá' nohwich'í' nach'aa da le': áí bijíí doo hwaa baa gowáh da, ntsé nnee łáni nanánihidéh doleełgo zhá, łá'íí nnee dázhó nch'ó'i ye'at'éhi ch'í'nah hileeh, án da'ílíí hileeh doleełgo gozłíni; ⁴Áń Bik'ehgo'ihí'nań daabidi'ńiihíí łá'íí dawahá daach'okąqahíí dawa yich'í' na'iziidgo yitisgo ídéstíj doleeł, Bik'ehgo'ihí'nań daach'okąqah goz'ąq yune' Bik'ehgo'ihinań ídildi'ńiiigo dahsdaa doleeł. ⁵Ya' doo bínádaańiih da, t'ah nohwił nashkaidá' díí baa nohwił nagoshńi' ni'? ⁶Dázhó nch'ó'i ye'at'éhi t'ah nt'é t'ąqzhí' botą'íí bídaagonołsj, ch'í'nah alne'íí t'ah doo hwahá biká' ngonáh da. ⁷Nch'ó'go ágot'eehíí doo bígózj da n'íí ilk'idá' na'iziid: t'ąqzhí' botą'íí k'ihzhí' alzaazhí' t'ąqzhí' botą' doleeł. ⁸Aníta dázhó nch'ó'i ye'at'éhi ch'í'nah hileeh, án nohweBik'ehń biyol bee bidizołheel, nádaałgee bits'á'dindláádíí bee bidizołheel: ⁹Áí nch'ó'i ye'at'éhi, ch'í'idn nant'án, Satan holzéhi, higháhgo ábile', án binawod golłígo godiyłhgo be'ígóziníí łá'íí ízisgo áná'ol'íłhíí k'ehgo áná'ol'íj ágodil'íj doleeł, ¹⁰Áí nch'ó'i ye'at'éhihíí na'ich'aahíí ył higháh, áí bee nnee nadaach'aa doleełgo; áí nneehíí da'anii ágot'eehíí bił daanzhoqyúgo hasdakáh le'at'éhi, doo hádaat'íj dahíí bighą da'ílíí hileeh. ¹¹Doo hádaat'íj dahíí bighą Bik'ehgo'ihí'nań natsekees k'ize'idiłteehíí biká'zhí' ádaile', áík'ehgo k'éichoohíí daayodłąq doleeł: ¹²Áík'ehgo nnee da'anii ágot'eehíí doo daayodłąq dago nch'ó'go ágot'eehíí bił daanzhooníí dawa ch'í'idn bikó' diltł' yuyaa bándaağodot'aał. ¹³Shik'ííyú, Bik'ehgo'ihí'nań bił daanohshóni, Holy Spirit hadaanohwihezńilgo łá'íí da'anii ágot'eehíí daahohdłąqo dantsé godeyaadá' Bik'ehgo'ihí'nań hasdánohwiniłgo nohwá ngon'ąq, áí bighą dávik'ehń nohwich'í' Bik'ehgo'ihí'nań ba'ihédaandzj doleełgo at'éé: ¹⁴Jesus Christ nohweBik'ehń bits'á'dindláádíí bił daanohwíyéé doleełgo yati' baa gozhóni bee nohwich'í' yádaahiilti'íí bee nohwiká' ánniid. ¹⁵Áík'ehgo shik'ííyú, nkdzilgo nasozij, nohwiyati' bee dagohíí nohwinaltsoos bee nohwił ch'et'ááníí daahohohtą'. ¹⁶Jesus Christ nohweBik'ehń dabíí, Bik'ehgo'ihí'nań nohwiTaa biłgo, bił daanjóqhií, łá'íí biłgoch'oba'íí biláhyú dávik'ehń hadag ádaanohwiłsiníí łá'íí nzhóqgo ágot'eehíí nihóndliigo ádaanohwiłsiníí, ¹⁷Áń nohwijíí yune' nkegohen'ąqgo ádaanohwiłsj, łá'íí nł'éégo ánádaaht'íj hik'e nł'éégo yádaakti' doleełgo nadaanołwodgo ádaanohwile'.

3 ¹Iké'yúhíí, shik'ííyú, nohwá da'ohkąqah, nohweBik'ehń biyati'íí dagoshch'í' dahot'éhé nnee bitah dididłaadgo ya'ihédaanzj doleełgo, akú nohwitahyú ágot'eehíí k'ehgo bá da'ohkąqah; ²Łá'íí nnee dabíí zhá

bik'ehgo ádaat'eehíí, la'íí doo bik'ehyú ádaat'ee dahíí bits'á' nohwide'níí doleełgo bá da'ohkaqah áldó: nnee doo dawa bi'odla' daagolíí da.

³NohweBik'ehń da'áníyú át'ehi nlii, án nłdzilgo nasozjigo ánohwłsı, la'íí ncho'íí bits'á'zhi' ánohwłsı. ⁴Hadíí bee nohwá ndaagosıit'ąqhi' bikísk'eh ádaanoht'ee, la'íí dayúweh begoldohgo ágádaanoht'ee doleełgo nohweBik'ehń biláhyú nohwaa da'óndlii. ⁵NohweBik'ehń nohwjıí dawa bee Bik'ehgo'ihı'nań nohwł daanzhóq ánohwłsı le', la'íí bidag ádaanoht'eego Christ biba' ádaanoht'eego ánohwłsı le'. ⁶Shik'íyú, Jesus Christ nohweBik'ehń bizhi' biláhyú nłdzilgo nohwich'ı' hahiidziigo gádaanohwłn'ńii, Nohwik'ısn, ínashood nłńi, doo na'iziid dahíí, nohwł ch'ıdaagosıit'aanı doo yikísk'eh at'éé dahíí bits'á'zhi'go ádaanoht'ee. ⁷Dánohwıí bídaagonłsı, nohwedaanoł'eego nzhóq: nohwitahyú nahiikaidá' neé nada'idziid ni'; ⁸Dá doo bich'ı' nadaahi'ńííle doo hadńń bıł da'ııdaq da ni'; áıdá' t'é'gee hik'e jııgee nyeego nada'idziid ni', doo la' nadaanohwłnłt'og da doleełhıí bighą: ⁹Doo nohwá goz'ąq dahíí doo áı bighą ágádaahiit'ıı da, ndi nohwedaanołt'ee doleełhıí bighą nohwınááłádaahiit'ıı ni'. ¹⁰Nohwitahyú nahiikaidá' gádaanohwłn'ńii ni', Hadńń doo na'iziid dahíí doq iyąq da le'. ¹¹Nohwıí la' doo nłt'éégo ádaanoht'ee dago nohwa'ıkodaandzi, doo nada'ohsiid dago, doo nohwıdildoo dahíí nadaanohwłnłt'og laq. ¹²Nnee ágádaat'eehıí Jesus Christ nohweBik'ehń biláhyú nłdzilgo bich'ı' hahiidziigo gádaahn'ńiigo bidag yádaahiiltı', Nłt'éégo nada'ohsiidgo dánohwıí nohwıhidán daahsąq. ¹³Nohwıí shik'íyú, nłt'éégo ádaanoht'eehıí bik'e hohkáh hela'. ¹⁴Dıí naltsoosıı biyi' nohwiyaıı'ıı nnee la' doo yikísk'eh at'éé dayúgo, áı nneehıí dabıdaagonohsıgo bits'á'zhi' ádaanoht'ee, áı bighą ıdaayándzi doleeł. ¹⁵Ágát'éé ndi doo bik'edaadinohńiigo baa natsıdaahkees da, ndi nohwik'ısnhıí k'ehgo bich'ı' yádaaktı'go bıł ch'ıdaagonoh'aah. ¹⁶NohweBik'ehń, bits'á'dı' ıłch'ı'gont'ééhıí, dabıí dábik'ehn dawa bee ıłch'ı' gont'ééhıí nohwıká' áyıłsı le'. Daanohwıgha nohweBik'ehń nohwł daanlii le'. ¹⁷Shıí Paul, Gozhóq, daanohwłdışhıigo dashıí shıgan bee k'e'eshchii, dıí k'ehgo shınaltsoos dawa biká' daaszoh: áı k'ehgo k'e'eshchii. ¹⁸Jesus Christ nohweBik'ehń bıłgoch'oba'ıı daanohwıgha bee nohwich'ı' goz'ąq le'. Doleełgo at'éé.